

☒ Raadsvergadering

☐ Commissie AZ

☐ Commissie SAZA

☐ Commissie ROM

Plannen fan Rooftop Energy en Staatsbosbeheer

Op 25 juny hat der yn de Koningshof op It Hearrenfean yn ynformaasjejûn west oer de plannen fan Rooftop Energy en Staatsbosbehear (SBB) om it talúd tusken de Van Bienemalaan yn Oranjewâld en de A32 te foarsjen fan sinnepanielen. Op dizze selde jûn hat SBB ek in oantal scenario's sjen litten oer in efentuele beperkte herynrjochting fan it gebiet neist it talúd. Op dizze jûn wie der kritek op SBB dy't earder oare plannen foar de strook neist de A32 hawwe soe en har mei dizze ûntwikkelingen net oan eardere tasizzingen hâlde soe.

1. Is de gemeente Hearrenfean op 'e hichte fan de plannen fan Rooftop Energy en SBB?

Antwurd:

De gemeente Hearrenfean is op 'e hichte fan de plannen fan Rooftop Energy en wit dat Staatsbosbehear dwaande is mei planfoarming fan de neistlizzende bûtenpleats.

2. Is de gemeente Hearrenfean belutsen by de ûntwikkelingen fan it plan foar oanlis sinnepanielen lâns de A32?

Antwurd:

De gemeente is amtlik belutsen by de planûntwikkeling fan sinnepanelen lâns de A32. Der hat yn it ramt fan it fergunningen trajekt foaroerlis plakfûn

3. Past it plan foar oanlis sinnepanielen yn de eardere plannen foar in saneamde 'bosstrook' tusken de A32 en it "Landgoederenlandschap Het Oranjewoud"?

Antwurd:

It plan foar sinnepanelen past yn it gemeentlik belied oangeande duorsumens. Tusken de wâl en de A32 is gjin romte foar in "bosstrook". Op de wâl is der wol boskplantsoen oanplante. De strûkfoarmjende beplantingen bliuwe hjirby hanthavene. De wâl oan de bûtenpleatsside sil foar in part mei brem ynplante wurde. Efter de wâl is in "bosstrook" oanwêzich tusken de wâl en de leane. Foar fragen oer eardere plannen of mear spesifike fragen ferwize wy nei Staatsbosbehear. Sy binne de eigner hjirfan.

4. Kinne de bewenners fan Aldskoat en Oranjewâld ek partisipearje yn dit plan?

Sa ja hoe dan, sa nee wêrom net?

Antwurd:

It projekt is mei 1MW in lyts projekt. It dêrfoar spesjaal optúgjen fan in partisipaasjeprogramma is foar de projektûntwikkeler te kostber. Dêrby wurdt dit (relatyf djoere) projekt byinoar foege yn in 'fûns' mei oare projekten wêrtroch it projekt finansjeel helber is. Mooglike partisipaasje is dêrmei net eksklusyf keppele oan it sinnewâl projekt mar oan in breder fûns. It foarriedich antwurd is dus nee.

5. Op in part fan it boppesteande trajekt steane no lûdswearende skermen. Wannear op in oar part sinnepanelen komme jout dit in ferrommeling fan it gebiet. Is it ek in opsje om te sjen oft dizze lûdswearjende skermen ek ferfange wurde kinne troch sinnepanelen?

Antwurd:

Der stean gjin lûdkearende skermen op de grûnwâl. De grûnwâl is oangeande de lûdskermen behoarlik werom roaid en stiet dêrtroch los fan de lûdskermen. De sinnepanelen dy't op in "artifisjeel" frame pleatst wurde, moatte dan ek as in ynsidint hielendal lâns de A32 beskôge wurde.

6. Is de gemeente ynformearre oer de plannen fan SBB oer in oanpassing fan de strook lâns de A32?

Antwurd:

Ja. It oanbringen fan sinnepanelen op de grûnwâl is ek as lokaasje opnommen yn it gemeentlik belied oangeande duorsumens.

Efter de wâl is in bosstrook oanwêzich tusken de wâl en de leane.

Steatsboskbehear sil dizze yn har fierdere planfoarming oangeande de neistlizzende bûtenpleats behelje. De tins dy't Steatsboskbehear hat is om de mountainbikers in alternatyf terrein oan te beannen op en njonken (allinnich bûtenpleatsside) de grûnwâl. Dit ta ûntlêsting fan it hjoeddeiske gebrûk troch mountainbikers fan it Woutersbergje (beskermd monumint). Dizze lêste hat, troch dit net winsklike gebrûk, tefolle lêst fan slitaazje.